



**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

8. Eros & Anteros contrarii Cupidines.

[urn:nbn:de:hbz:466:1-68709](#)

Stulta plebs arcu putat & sagittis
Grandibus uti.
Ille (sic monstrat Cytherea mater)
Non boum tendit sinuare cornu :
Sed manus junctas utriusque amantis
Curuat in Arcum.

De hoc puer Seneca in Hippolyto.

Iste lascivus puer ac renidens
Tela quam certo jaculatur arcu !
Labitur totas furor in medullas,
Igne furtivo populante venias.
Non habet latam data plaga frontem,
Sed vorat tectas penitus medullas.
Nulla pax isti puer, per Orbem
Spargit effusas agilis sagittas.

Alius de hoc parvulo. Ignibus suis inflamat frigidissimos: lauti-
tiā gratiarum ferreos emollit: humanitatem frangit barbaros: mitigat ur-
banitate agrestes: suavitatem feros domat. Amorum potius, quam armo-
rum bella gerit: grassatur illecebris, non insidiis: tela non inficit vene-
no, sed ambrosiā: vulnerat rosis, non spinis: sagittas, quas ad cor
adigit, ab arcu oculorum emittit. Ejus spicula sunt oscula: adoritur
mortaliū pectora deliciis, non tormentis; gratiā, non terroribus; non
laqueis, sed lenociniis; voluptate, non clade; leporibus, non machi-
nis; veneribus, non vulneribus: faces injicit, ut amore accendat: ho-
stem, quem vincit, non in fugam, sed in amplexum convertit.

VIII. (b) Cæterū Poëtæ singunt alterum, meliore fato natum.
Cupidinem, quem *Anterotem* vocant, id est, pugnantem & contrarium
Eroti seu *Cupidini Voluptario*. Hinc apud Alciatum emblem. 110. Cu-
pidine ad arborem ligato, Anteros ejus tela & arcum comburit: quo
significatur, ab Amore cœlesti, terrestrem vincere. Huc facit, quod mo-
net aureæ linguae Orator hom. 24. ad Corinth. 2. Quomodo, inquit, pra-
vi Cupidinis ignem extinguaſ, si igni quotidie alimenta adjicias? Sub-
trahe ligna foco. Et quid illud est, quod amas? Pituita & sanguis,
ac corrupti alimenti succus. At latus & splendidus flos est, inquies.
Esto sane: sed terræ etiam floribus nihil lætius ac jucundius est; qui ta-
men marcescunt, & in putredinem abeunt. Altius te mens erige, &
quid sub colorata cute lateat, explora. Hydropticum etiam corpus ni-

Y y y

tet,

(b) Eros & Anteros, contrarii Cupidines.

tet, & nihil fœdi in superficie habet: quis tamen aquoso humoris osculum impertit? at tener & versatilis est oculus, recte porrectum superciliū, nigræ palpebræ, suavis pupilla, serenus aspectus. At hoc ipsum, quid aliud est, quam nervi, venæ, arteriæ? Quin tu hunc quoque blandientem oculum, ægrum, senio affectum, mœrore afflictum, irâ tumentem cogita: in quam deformitatem hæc pictura evanescet? Jam ad animi pulchritudinem, cogitationem traducas, & te hujusmodi formæ elegantiâ oblecta. Hæc nunquam marcescit, nunquam deflorescit, nulla pœnitudine turbatur, nullis suppliciis expiatum. Ad hanc enitere: hanc amare & amplexare. Hæc & plura, quæ brevitatis causa omitto, Præsul Constantinopolitanus, quibus modum ostendit, meliore Cupidine peccatum imbuendi. Exclamat hîc noa sine suspirio Philosophicus Poëta Boëtius.

O felix hominum genus,
Si vestros animos Amor,
Quo cœlum regitur, regat!

SYMBOLVM LXXXIX.

Minerva, seu Pallas, sapientiæ & amorum Dea.

Ex Variis.

Ethicè.

1. Pallas cur ex Jovis cerebro nata?
2. Ejus habitus & attes.
3. Ejus liber & hasta.
4. Ejus gallus gallinaceus.
5. Ejusdem noctua.
6. Cur feroci vultu?
7. Ejusdem ægis, seu clypeus.
8. Cur ei sacrata olea?
9. Cur Virgo?

Sapientiæ & bonarum omnium artium hæc præses est, ac dea, ex Jovis nata cerebro, sine Matre procreata. Ferunt enim, Jovem, cum Junonem sterilem videret, ne prorsus sine prole esset, cerebrum suum percussisse, indéque Minervam prosiliisse. Poëtæ tradunt, cum Juppiter hanc filiam parturiret, ei Lucinæ loco adstituisse Vulcanum, & acutissimâ ac prævalidâ securi caput in duas partes divisiisse, indéque armatam Virginem erupisse.

Ethica.